

Helicobacter pylori

ASA[®]BOLNICA

ASA BOLNICA

Adresa: Džemala Bijedića 127, 71 000 Sarajevo
Besplatni broj za pozive iz BiH: 0800 222 55

GSM,   : +387 61 065 333

Email: gastro@asabolnica.ba
www.asabolnica.ba



ASA[®]BOLNICA



Što je infekcija H. pylori?

Infekcija H. pylori nastaje kada H. pylori bakterija inficira (nastani) želudac. Veliki broj ljudi ima infekciju H. pylori, koja kod većine ne dovodi do problema tj. ne izaziva nikakve simptome. Međutim, kod nekih osoba infekcija H. pylori dovodi do simptomatskih oboljenja kao što su:

- Čir (ulcus) na sluznici želuca ili dvanaestopalačnog crijeva ili
- Tumor želuca

Ova stanja i bolesti mogu uzrokovati bol ili nelagodu u gornjem trbuhu koji su praćeni mučninom ili povraćanjem.

Koji su simptomi infekcije H. pylori?

Većina ljudi sa infekcijom H. pylori nema simptome. Međutim, ukoliko osobe imaju čir na želucu ili dvanaestopalačnom crijevu ili upalu sluznice želuca tada mogu imati neke od simptoma ove bolesti kao što su:

- Bol ili nelagoda u gornjem trbuhu,
- Osjećaj punoće želuca nakon konzumiranja male količine hrane,
- Mučnina ili povraćanje,
- Stolica crne boje poput katrana,
- Osjećaj umora veći nego inače.

Nisu svi čirevi uzrokovani infekcijom H. pylori. Na primjer, ljudi mogu dobiti čireve od uzimanja određenih lijekova koji smanjuju bol. Ali bez obzira na sve, ako imate gore navedene simptome, obavijestite odmah svog ljekara.

Postoji li test na H. pylori infekciju?

Da. Vaš ljekar Vam može preporučiti sljedeće testove za dijagnostikovanje infekcije H. pylori:

- Test krvi ili test stolice,
- Izdisajni test - Ovaj test mjeri neke supstance u izdahnutom zraku pacijenta nakon što im je data posebna tekućina za pijenje,
- Biopsija - Za ovaj test ljekar tokom endoskopije uzima mali komad tkiva sa sluznice želuca i šalje nadležnom patologu radi potvrde o prisustvu H. pylori infekcije.

Ko treba da se testira na H. pylori infekciju?

Test na H. pylori trebatae uraditi ako imate:

- Čir na želucu ili dvanaestopalačnom crijevu,
- Ranije dokazan čir na želucu ili dvanaestopalačnom crijevu,



- Ranije utvrđen tumor želuca,
- Potrebu da uzimate dugotrajno aspirin ili lijekove za bolove/temperaturu/upalu.

Vrlo često ljekari testiraju na H. pylori i osobe sa probavnim tegobama (bolovi i nelagoda u gornjem trbuhu, nadutost, žgaravica, podrigivanje, rana sitost,...).

Kako se liječi infekcija H. pylori?

Infekcija H. pylori se liječi lijekovima. Većina ljudi treba uzimati tri ili više lijekova dvije sedmice. Koriste se:

- Lijekovi za smanjenje kiseline u želucu i
- Različite vrste antibiotika.

Osobe kojima je dijagnostikovana H. pylori infekcija trebaju se liječiti zato što uklanjanje ove bakterije:

- Pomaže cijeljenju čira,
- Onemogućava ponovno vraćanje čira,
- Smanjuje šansu da čir želuca pređe u tumor.

Važno je pravilno slijediti sve upute ljekara o načinu uzimanja lijekova. Morate odmah obavijestiti svog ljekara ako imate bilo kakve sporedne efekte uzimanja ovih lijekova.

Što se događa nakon liječenja H. pylori infekcije?

Nakon liječenja većina ljudi mora uraditi neke od sljedećih testova provjere uspješnosti terapije (da se vidi da li je infekcija nestala):

- Izdisajni test,
- Test stolice,
- Gastroskopija sa biopsijom.

Većinu infekcija H. pylori izliječi se lijekovima nakon prvog terapijskog pokušaja. Međutim, mali broj pacijenata (oko 10%) ne uspije ukloniti infekciju prvi put, te će Vam Vaš ljekar predložiti neke druge opcije liječenja lijekovima.